

大寶積經

第九

七十三  
龍九

47517



元祿九年丙子二月日重脩

皇圖環固 帝衢綴昌

佛日增輝 慧輪常轉

山城州天安寺法金剛院置





大寶積經卷第九

西晉三藏竺法護譯

龍

密迹金剛力士會第三之二

密迹金剛力士語寂意菩薩菩薩所說口未  
曾宣汙染惡言不仁之辭瞋恚癡言亦無諛  
諂無剛結言崎嶇之語調戲俳說無益之文  
語不妄笑讒言兩舌不故男女言不堅韌無有  
麁辭卒暴之性不有懷害無取捨心不失宜  
節志亦無結心無所著無鬪訟言無所倚無  
塵勞無所舉無輕放逸無自恣無橫理無宜  
之行無非時辭無貪欲無非惡無所愛樂無  
有處所亦無非淨無違時無失節諸根無毀



音聲無瑕心不懷害亦無偏黨無次心訑無覆  
蔽不諍言語不有怨嫌無有結恨不妄受邪  
非無自歸不計吾我不媿他人不惱彼己不  
宣傷害無殃罪法不失所言無不受行無不  
順業無不可忍所宣言和無種性事無輕調  
之教去非法之行不毀法行不越時節不違  
宜度不宣須臾不自歎類不壞他伴於己得  
譽不以喜悅見歎他人亦不愁憤謹慎守節  
不輕慢人不說非宜不毀有宜不誹密言常  
隨時護不謗明智不呵賢聖言不虛妄不非  
證明不入人罪不求他短所言轉教不傷筋  
骨不稱他惡志願無上不相顏色不求異黨



不念業便不行逆事心常柔順密迹力士語  
寂意是為菩薩言行相應以空恍忽神勇為  
力功德報應所作果實宣至誠辭從所作報  
假使有人行詣大樹下若復住立作是觀樹  
以觀轉問他人言男子能知此樹所生葉數  
為有幾枚有大智人不觀樹木亦未計數知  
彼樹葉便口出辭其數如是與侶俱坐亦不  
計之既未能度至於道德即知其數來在一  
切而演若干其人語辭等無有異若育來問  
大江河沙能有幾沙一一計之能得幾枚幾  
百千億兆載垓數水有幾升斗斛限數不可  
以喻量度不觀其限亦不數之悉知江河沙

之多少幾億兆載皆知水升斗斛限各各爲  
演若干品語唯大聖知天不能證諸龍鬼神  
阿湏輪迦樓羅真陀羅捷杳和魔休勅人與  
非人聲聞緣覺悉不能證明獨佛世尊乃能  
知之以是觀之如來至真等正覺慧不可計  
量宣萬億音眾生皆聞各得開解密迹金剛  
力士語寂意菩薩乃往過去久遠出時有一  
神仙名曰樓夷余時之世有一梵志名曰寂  
然時國有一大樹名曰仁賢其樹枝葉華實  
茂盛其樓夷神仙常處其下具足十二歲數  
其樹葉而復觀之彼於後日寂然梵志行城  
中出往至仁賢樹所晝夜遊觀飯食已後數



樹莖葉又以聖明一心數之又曰何謂告啓  
神仙我當數之知有幾枚時寂然梵志不觀  
其樹不數其葉尋時說頌曰

有八千垓八千億葉節有九千六百二十  
觚有五枚二百五十滿雷六千六百六十  
聖師欲知葉有若干數其樹莖分布所在

并所知解啓曰如是今無放逸有疑數之  
樓夷神仙嘆而說言善哉至言諦辭無欺吾十  
二季坐計限之其樹葉數亦不數之悉知本末  
葉有若干唯願梵志爲我說之其音聲行何所  
以類寂然即曰神仙聽之天不助我亦非世  
人以至誠故傳大正行皆以真淨無所諍訟

樓夷神仙舍利弗是寂然梵志釋師子是當  
執持此至真言教任於至誠以應法宜密迹  
金剛力士謂寂意是則菩薩至密之業清淨  
之元其無極慧深入無量巍巍無限隨時示  
現至真無形不可說名密迹金剛力士復謂  
寂意菩薩何謂心密心行清淨不失神通造  
立慧業神通自娛在所示現正住神通建立  
大哀無極之業以神通化無央數變一切普  
顯以誠諦通智慧為室現目覩見一切諸法  
是則菩薩正真之法慧通無極普御一切其  
神通慧皆顯衆像解暢諸色本無有色其以  
神通普入諸音等本音響皆能觀察一切衆



生心念所行因見本淨常見一切隨時開化  
常念識之未曾忽忘斷去來心普現神足無  
所罣礙獨步三界不以為拘悉無所有不造  
立行直神通明盡一切漏曉了隨時不失其  
節現生死難示度世業所察玄遠其神通明  
皆超聲聞一切緣覺深入微妙坐佛樹下降  
伏魔宮解暢一切諸佛道法而轉順時道法  
聖輪開化一切十方衆生使入法律至阿維  
顏轉一切法寂意欲知是為菩薩心密之業  
心行清淨若心直淨永無所歸亦無不喜性  
安調和隨行極良則以普慧三昧定意而行  
正受不永滅度不厭欲界設生其中無所繫

著不爲所縛所生現決未曾有結所以者何以度一切虛空妄想解衆塵結顛倒所受心無所著由是之故得脫生老病死雖有所生悉無所生以大乘本成就一切諸佛道法斯諸佛法救護十方求之無處而不可得乃了一切諸佛之法一切諸法悉歸佛法是諸佛之法悉一切法是一切法及與佛法不是是法亦非非法所以者何求一切法本末處所而不可得若求諸法悉無處所則無有數起諸任數一切諸法知一切法則不依倚諸法以不依倚一切諸法其求利義便致大哀其無思求彼則無利亦無衰折轉進學前其見



利義心無憂感亦不喜歡其心無憂志無望  
礙則無所住其無所住乃無雜碎其無雜碎  
則無所向其無所向如是乃向如是乃向者  
爾乃無向其無所向乃無吾我其無吾我則  
無所受其無所受則無諍訟其無諍訟則無  
鬪亂其無鬪亂是沙門法其心平等猶如虛  
空住其平等如虛不隨欲界不處色界不著  
無色若以一切悉無所著無譽無毀其無譽  
無毀謂一切法斯等皆解如是深義以能知  
是六事之業宣暢分別亦復如是以何等故  
解暢分別以是之故一切諸法不可得也其  
能解暢分別諸法本無所處三界悉虛乃能

解暢悉以分別。是為心密密迹。金剛力士復  
謂寂意菩薩。其心行密。斯行慈愍。不計吾我。  
故其行悲哀。無有衆生。故以行歡喜。則無命  
故以能濟護。乃達無壽。故行四布施。心無慳  
故奉行禁戒。調和其心。故斯忍辱。行盡心之  
業。故若修精進。思惟寂靜。故其寂一心。棄心  
所在。故其知聖。心無所行。故其四意止。無意  
無念。故若四意斷。其心以了。以不起不滅。故  
其神足。飛心廣無際。故以行篤信。心無罣礙。  
故若修精進。心行寂靜。故其意已。念心行得  
自在。故其定意者。斯平等心。無有若干。故其  
智慧根心。無想。故其勢力者。順流。心本故。若



以覺意心分別慧故表亡行道業心無所想故  
其寂然者惔怕靜思故其觀法心見無著故  
修行賢聖究竟解心故心念於佛其明慧者  
心不妄想故其心思道志不可量故其思念  
法心平等故思念聖衆心無所任訓誨衆生  
故其心湛淨護於正法故其法諸界心無所  
壞故佛土清淨心等如空故衆相具足心無  
別形相故逮致忍辱心無顛倒故阿惟越致  
心不復迴還故莊嚴道場在於三界心不惰  
故降伏魔業心攝衆生故道所訓誨一切法  
心平等覺故以轉法輪諸法無轉用心不還  
故現大滅度解生死源以心平等自然之故

密跡金剛力士謂寂意曰菩薩若得不起法  
忍心則甚密心亦清淨心已清淨便解一切  
衆生心淨普無不入其衆生心入于道心一  
切衆生心趣道心而被照明猶如虛空普悉  
平等遍入一切有形無形道心如是一切皆  
入衆生心行密迹金剛力士說是菩薩身口  
心密不可思議時七方二千諸天人衆皆發  
無上正直道意三萬二千菩薩逮得無所從  
生法忍萬四千人遠塵離垢諸法眼淨八  
千比丘意解無漏是三千大千世界六返震  
動其大光明普照十方上虛空中天雨衆華  
筵篋樂器不鼓自鳴其伎樂音中演出如是



其有聞是密迹金剛力士所說法誼若有樂  
信是等之人得立受決愛喜經典受持誦讀  
廣爲人說不失道心積功德本終不虛妄曾  
以供養無央數佛植衆德本益於衆生靡不  
蒙濟於是世尊告寂意汝寧聞彼伎樂所暢  
言響乎答曰以聞世尊唯然大聖誰之威神

佛語寂意有菩薩名雷音從雷音王如來佛  
國發其國土名雨氏來詣忍界欲見吾身稽  
首作禮啓問法要欲聽說是如來秘要法教  
在於虛空不現其身供養如來及斯經典故  
雨天華作諸伎樂從其伎樂出是輦聲佛說  
未久雷音菩薩從虛空下稽首佛足遶佛七

而住於佛前白大師言唯然世尊雷音王如  
來敬問無量興起輕便遊步康寧今時世尊  
告問雷音菩薩善來正士快哉願義故致奉  
現寧欲聽受如來秘要經典之慧今密迹金  
剛力士承佛威神而頒宣之於是衆會或有  
菩薩心自念言斯密迹金剛力士在於何世  
積衆德本在何佛所而發道心本何誓願所  
逮辯才廣大無極巍巍如是時佛悉知是諸  
菩薩心中所念告寂意菩薩乃往過去久遠  
世時無央數劫不可思議小時有佛名無量  
動寶錦淨王出現于世如來至真等正覺明  
行成爲善逝世間解無上十道法御天人師



号佛世尊世界曰莊嚴劫之善見其佛國土  
有異威德人民熾盛皆得安隱五穀豐收土  
地大盛咸共快樂天人擊熾地悉平等猶如  
砥掌無沙塵穢荆棘瓦石唯琉璃水精明月  
珠玉珊瑚琥珀磈碼碯遍布其地其地柔  
軟猶如天衣有甘美香光色甚好生其好草  
如天統縱以足蹈上足下四寸舉足如故其  
土快樂無有大寒亦不大熱人民仁慈性行  
和調身口心定香芬熏地結琉璃色彼國人  
民普得自在皆受訓誨嗔怒癡薄安隱寂靜  
悉有威力聞說法言皆識義理其佛世尊時  
諸聲聞衆有十二垓諸菩薩三十二億其佛

壽命三十六億歲無中天者斯莊嚴國其中  
四城名曰仗見甚大廣長風雨時節五穀豐  
饒人民安寧強不效弱各得其所一方城  
廣長各八十万里相去四百里有一大國一  
一大國各有千郡縣及諸村落丘聚其土人  
民身長四里是時大城仗見四方大城復有  
大城名曰清淨王所治處土地廣長其城東  
西長二千五百六十里南北廣千二百八十  
里郡國縣邑各有一萬具足安樂諸遊觀園  
各有一万極甚清淨七寶合成時有轉輪聖  
王名曰勇郡王有七寶一曰金輪二曰白鳥  
有六牙三曰紺色馬朱髦尾四曰明月神珠



五曰玉女妻六曰主藏聖臣七曰主兵大將  
軍主四天下供過去佛植衆德本威神難量  
發無上正直真之道心逮不退轉在城中央立  
一屋宇廣長高大長廣各六百四十里以七  
寶立七重墻壁欄楯七重交道七重寶縵七  
重七重深漸其宅裏內有四大菓園生若千花  
一名妙莖二名功勳阿三名山河四名春安  
有池水滿廣長各二十里皆以衆寶而作欄  
楯紫金琉璃池紫金瑠璃以爲底沙滿八味水  
合生寶華鳥鴈鴛鴦異類之鳥遊戲其中一  
浴池名施財二名上窟三名上香四名妙御  
中宮嫖女七万六千如天玉女各有好相端

正殊好非世之有其王正后玉女寶及諸姝  
女皆發無上正真道意王有千子具足勇猛  
與衆殊異端正超絕二十八相嚴飾其身志  
性仁和亦俱同心發大道意尔時其佛遊在  
清淨大國其王勇郡供養無量勳寶剎淨王  
如來具足億歲諸菩薩衆聲聞等衣被飲食  
牀卧醫藥一切所安園觀浴池屋宅講堂房  
室精舍高臺樓閣一一比丘與二侍使給所  
當得其王諸子志性安和無放逸行常以至  
心供奉如來聽受經典不樂愛欲戲笑邪業  
以無放逸聽受經典不以生心不久即逮興  
五神通以得神通涌在虛空猶如鷹王飛行



自在無所罣礙從其一觀復至一觀從縣至  
縣從國遊國從一天下至一天下普行遊觀  
以是要偈為大衆說

諸佛興出出 玄遠其難值 人生在世間  
亦甚難得遇 諸人咸同志 俱信樂聽經  
於億百千劫 甚復不可遭 今人中之雄

以出于世間 為令寂然定 故說經法義  
從安住世尊 恣受教訓誨 求于大聖明  
奉啓佛至言 以聽受經法 棄捐于惡趣

以逮聞正法 得坐極安樂 以逮聞正法  
消除衆塵勞 因其聽受善 得致正直法  
彼時布宣訓 而演是甘香 緣其斯瑞應

地六返震動

普布告天人

諸天舉歎曰

即時雨天華

其華若于蓮

衆生皆來集

不可稱計數

最勝之開化

皆入于道法

前稽首足下

禮於天人尊

皆俱以叉手

恭恪而任立

其最勝聖師

是逮得是心

隨時順義理

而為說經法

斯等之伴侶

得聞安住法

三十六億俱

悉發大道心

其三百億衆

具足不減一

皆以得清淨

極上之法眼

其心以厭患

於俗之家業

悉共在彼世

棄家行學道

諸人無數衆

億載北垓人

咸啓受經戒

皆作清信女

以逮聞經法

稽首佛足下

各各前辭別



悉自還歸家

止

佛告寂意爾時王太子并共父王以栴檀造  
立樓閣廣長清淨好校飾之作諸牕牖以衆  
寶成以牛頭栴檀香一升燒氣徧天下皆有  
美香以是栴檀造立樓閣廣長高大高四百  
里莊嚴校飾威神顯現巍巍無量正四方好  
四角四柱所作平正安不傾斜其王勇郡因  
欲往到無量勲寶剎淨土如來所奉現稽首  
諮問聽受經典勸王眷屬人命難得佛興難  
值億載時有經道難聞宜往奉觀諮受經典  
王及太子夫人嫫女太子百官人民大小皆  
入校露高臺樓閣坐於百千嚴飾寶牀以衆

華香雜香衣服寶蓋幢幡鼓諸伎樂以恭恪  
心奉事尊敬寶珠校露嚮臺樓閣以貢上之  
一切同心仁和之意上在虛空猶鳳凰王與  
諸衆俱無所罣礙飛行浮疾往詣佛所其寶  
交露高臺樓閣以到大會前詣佛所斯寶交  
露高臺樓閣遶佛七匝還任一面王及大衆  
各下以出前禮佛足及禮聖衆遶佛七匝因  
在前任白佛尊曰久服聖音國有多事不尋  
奉現慚愧無顏飢虛之情今日乃果時佛大  
聖見王真心宮人眷屬故來聽法則以隨觀  
從其心本應病與藥頒宣經法佛告大王志  
建大乘有四事法所遊殊特不違大道何謂



爲四若學大乘篤信重人所遊殊特不違道  
意何謂爲信若以喜樂奉諸賢聖所不當造  
終不行之大王恭敬則學大乘所遊殊特不  
違大道若謙恪聽於賢聖經至心入耳聞則  
受持以不自大學于大乘所遊殊特不違大  
道以不自大觀見衆聖稽首作禮一心歸命  
若尊精進學于大乘所遊殊特不違大道以  
用精進輕身口心舉動便宜行以越度於一  
切行是爲四事佛告王曰復有四事見無放  
逸所見擁護何謂爲四將護諸根見愛欲難  
曉一切受想知無常因法得生命根第一是  
爲四事菩薩有四事名曰法生何謂爲四一

曰不捨道心二曰亦復勸化他人發意三曰  
以諸德本勸助道心所可聞者意廣無極四  
曰一切釋梵及四天王其諸聲聞并緣覺地  
至于無極無壞弘廣無窮之業是爲四事是  
故大王當行無放逸常修篤信好喜無量道  
法之義常受正法以法之樂而以自娛若以  
精進求于道法大王所行不貪境界所以者  
何大王當解貪欲無厭猶飲鹹水其見賢聖  
智慧之明乃知限節人命其短安少苦多生  
無不終當就後世常畏將來心不可保今日  
大王所供養佛因是德本以有四事具足勸  
助何謂爲四世世財富不可限量功德福報



不可盡極聖明之慧而無出處底辯才之智悉  
無窮盡是爲四復有四事而當勸助何謂爲  
四身行清淨功德之業言行清淨戒禁具足  
心行清淨博聞無厭其法清淨聖明無黨黨是  
爲四復有四事勸助德本何謂爲四善權方  
便修清淨行訓誨衆生智度無極以清淨業  
降伏魔官誓願清淨言行相應一切諸佛法  
悉清淨積功累德逮見諸佛是爲四尔時出  
尊爲勇郡轉輪聖王說經中慧分別深義其  
王心解即時欣然便解身頸無數百千奇珍  
珠瓔以貢上佛舉國事佛給所當得奉持五  
戒盡其形壽淨修梵行其王中宮夫人姝女

從佛聞法心中喜悅隨時之心抱柔和意無  
陰蓋心脫身衣被竒異寶纓以覆佛上啓白  
報王欲得捨家出爲沙門淨修梵行盡其形  
壽奉持禁戒王即聽之如是寂意其勇郡王  
奉無極法逮法財富稽首佛足遶佛七匝與  
中宮姝女及其宮屬人大高臺樓閣交露便  
涌出上於虛空中須臾之間即復還服清淨  
大國於是聖王以十五日月盛滿時若干種  
華出入行到遊觀之園中宮眷屬觀見好地  
彼時聖王在遊觀園作衆伎樂其二正夫人  
一名不行步二名無虛損從宮中出洗身沐  
浴適還去已以香熏衣坐蓮花臺妙勝牀席



有二孩童自然來上夫人膝上結加趺坐端正殊好非世所見有二十八大人之相莊嚴其身適自然現即時虛空中百千諸天舉聲歎曰是二孩童則法神聖一名法意二名法念是二孩童適自然現時其名法念孩童坐不移夫人膝上其法意孩童于化坐無損夫人膝上適加趺坐異口同音而說頌曰

若有守己身

能發菩提心

斯等之學士

為致善福慶

以為曾覩見

護吼興現世

常以歡悅心

一志供事佛

為大神通業

快得受救護

得消生死輪

疾滅無所生

若發菩提心

未曾忽忘之

以救攝衆生

壞破生死難

其上方境界

不可計佛土

彼土而有佛

号名曰時節

從彼佛土來

以用法故舉

亦欲見功勳

國土之所有

於時二孩童

各從所坐起

因便從母膝

移下在于地

俱發進其路

行詣天人尊

前稽首佛足

却退叉手住

四方宣佛德

今故來聽經

佛法甚難致

聞受亦難遇

以得聞是法

當啓人尊勝

至誠於佛道

無上正真業

諸佛之道法

為甚難得值

愛樂經義者

亦復倍難遭

今日以閑靜

用親友好法

隨順之威則

奉敬信法教

慕嘉於精進

所行無放逸

以得為沙門



如是處閑居  
常抱慚愧心  
愍念於眾生  
計諸威力勢  
開化一切  
以不貪其身

愍念住如是  
知博聞難遇  
以能達深法  
其心無怯羸  
若在於獨處  
壽命根亦然

資財等無異  
其慈普具足  
乃可達法忍  
攝救諸眾生  
造業無思議  
於學禁無厭

我思於道法  
若能學如是  
咨嗟此最上  
當發往俱利  
受菩薩道行  
隨時而閉關

以是能曉了  
第一甚難得  
斯諸法之要  
聖女住佛所  
奉行清白法  
建到五神通

速功勳若斯  
其法王之業  
報應普備足  
其所諸明智  
以用宣布教  
因其識皆念

所行法悞怕  
斯二明智等  
經行虛空中  
前稽首佛足  
俱往叉手禮  
唯願大聖尊  
心中之所念  
是一切諸法  
從造化現生  
是一切諸法  
無作見清淨  
佛以無數便

其王二太子  
行菩薩之法  
往到世尊所  
自歸人中尊  
法意前稽仙  
為我說道法  
則為分別說  
皆從因緣起  
其解內以空  
恍忽悉空虛  
計之猶虛空  
為比等頌宣

與夫人姝女  
以獲神通慧  
功勳智慧海  
一切悉和同  
并餘一切眾  
取勝和是等  
深妙之法義  
本無主師教  
外則無因緣  
以能察本末  
常不可護持  
分別敷演此



深奧之正真 七十六垓人 及二億載衆

一時皆得成 柔順之法忍

是時轉輪聖王勇郡中宮太子眷屬萬民遶  
佛作禮供養世尊及與聖衆晝夜七日畢竟  
還歸其宮於是勇郡轉輪聖王獨處宴坐在  
於清淨高閣交露自心念言是吾諸子皆發  
無上正真道意今當試之何所太子先當逮  
致無上正真之道為最正覺者便勅工師作  
七寶瓶極好團圓作七寶瓔顯現微妙又高  
七刃為四丈九尺使諸十太子各各疏名作  
七寶籌著餅中舉瓶著契瓦上咸共夙夜七日  
供養以天華香檮香雜香華蓋幢幡作衆伎

樂供養寶瓶所疏名号十千天子來佐勸助  
供養名号時轉輪王過七日後取七寶瓶在  
中宮夫人嫁女諸太子衆前舉著紫金案上  
使人舉瓶令諸太子各各探筭有太子名曰  
淨意得第一筭適得此筭於時三千大千國  
土六返震動中宮夫人嫁女一切伎樂不鼓  
自鳴於寂意所念云何彼時淨意太子豈異  
人乎莫造異觀所以者何則拘留孫如來是  
也從次太子名離名聞兵則拘那含牟尼佛  
是也次有太子名寂根則迦葉如來是也次  
有太子名一切苦利則吾身是也次有太子  
名兩室則彌勒如來是也次有太子名明月



珠服將來作佛名曰師子次有太子於將來  
世成佛名曰妙英次有太子名賢氏將來成  
佛名曰供養次有太子名曰光首後成佛時  
号曰妙華次有太子名曰蓮華氏後成佛時  
号曰奉養次有太子名離垢光後成佛時号  
曰善目次有太子名兵氏後成佛時号曰快  
臂次有太子名曰意妙後成佛時号曰焰光  
次有太子名曰淨復淨後成佛時号曰焰味  
次有太子名曰富黨後成佛時号曰無退沒  
次有太子名曰離垢淨後成佛時号曰執德  
次有太子名曰堅強後成佛時号曰寶事次  
有太子名曰寶稱後成佛時号曰無欺世於

是寂意取要言之次廣具足有太子名曰甘  
鎧莊嚴第九百九十九不滿一後成佛時  
号曰無量德寶稱在是賢劫立興來世佛言  
如是寂意有太子名意無量得最後等壽是王  
太子當在最後成行學道時其諸太子輕易  
調戲數數笑之衆等各言我當成佛時降魔  
官屬轉乎法輪開化度脫無量衆生令至滅  
度假衆生盡後何所設當何救濟其後太子  
名意無量目自覩見得最後等壽窮底成佛應  
時愁惱吾獨何疊窮底得等壽五體投地猶太  
山崩口自宣言諸佛道法不可稱量衆生之  
界亦無有限所願殊特不可思議尋即立一切



願令我兄弟千人成佛後所教弟子所度多  
少其壽長短計合是等一切壽命與我成佛  
道時所壽久長若干適同仁等所有一切聖  
衆我成佛時聖衆獨尔頒宣經法所化度脫  
一切衆生亦復如是與仁千人功勳巍巍適  
等無異不可限量假使吾身所言至誠合成  
不虛三千大千世界為吾現瑞六返震動天  
雨衆華筚篥樂器不鼓自鳴時意無量國土  
太子適立斯誓尋時三千大千世界六返震  
動天雨衆華筚篥樂器不鼓自鳴上虛空中  
諸天百千而歎頌曰當如所願最後成佛名  
曰樓由如來至真等正覺佛言寂意何故名

之樓由爾時愁感自投於地用得下等壽自積  
誓願由斯世尊号之樓由樓由晉曰涕泣於  
彼世時其王太子誓願以竟說此偈言

是諸佛道法

猶等如虛空

意覺若如幻

衆生不可盡

所願誓吉祥

戒禁成清淨

諸人且聽是

我所欲誓願

合集諸仁君

所壽之有限

諸重尊聖王

一切皆盡見

計是諸佛名

與我一壽等

成佛名樓由

比丘衆如是

其王太子感

故宣是言詞

諸天立虛空

舉聲歎頌曰

如今清淨人

所願必當成

因以衆生故

會成所要誓

佛告寂意菩薩欲知今時意無量太子乎答



曰不及佛言在是賢劫最後成佛号白樓由  
於賢劫中所與諸佛千不滿一所度衆生諸  
菩薩學比丘聖衆不及樓由最後成佛而壽  
半劫所度衆生菩薩聲聞一切聖衆竟於賢  
劫與九百九十九佛所度適等無有老特佛  
黃寂意且觀菩薩善權方便成就禁戒而有  
特具足誓願獨步獨坐周旋三界曾無休  
廢所以者何樓由如來獨以一身開化衆生  
與千佛興所度無異所益無限巍巍若斯如  
是寂意王千太子其後二子各心念言汝等  
正士所志云何法意太子曰吾自要誓諸人  
成得佛時當作金剛力士常親近佛在外威

儀省諸如來一切秘要常委託依普聞一切  
諸佛祕要密迹之事信樂受喜不懷疑結法  
念太子曰諸正士聽吾心自誓言諸仁成佛  
道身當勸助使轉法輪適見相勸輒轉法輪  
寂意欲知尔時勇郡轉輪聖王乎荅曰不及  
也佛言則往過去定光如來是也其時諸子

此賢劫中千佛興者是也從拘留孫爲始作  
佛至樓由竟千佛也其法意太子則今金剛  
力士名密迹是也其法念太子者今識其梵  
天是也彼時聖王中宮夫人姝女今諸來會  
者是也彼世之時王諸太子所勸出家作沙  
門者及所教化皆此賢劫稍漸受泐當次第



成最正覺寂意且觀十二緣起不乱德本獲  
報應果諸所發意不失其功斯等正士十力  
普備悉獲所願是故寂意若有菩薩疾欲逮  
成無上正真道為最正覺當學斯等諸正士  
業勤修奉行悉存佛道彼何謂佛道不以害  
心於衆生興乎慈心奉度無極習行四恩常  
修梵行遵道品法具進神通行權方便成就  
德本是為佛道佛復告寂意其道心淨斯性  
通達其道和雅志性安隱其道質朴而無諛  
諂其道廣普無所罣礙其道平等心無偏黨  
其道無畏不犯衆惡其道財富施度無極其  
道豐饒戒度無極其道不咨忍度無極其道

離處進度無極其道不亂寂度無極其道善  
擇智度無極道歸已慧奉于大慈道不曲意  
至于大哀道受喜悅行以大喜道歸妙御至  
於大護其道以除衆苦之惱消去貪害瞋恚  
之想其道趣安心不懷色道化難調刈色聲  
香味細滑之法道降魔官屬令化去心自大  
及衆怨賊道消除陰種諸入悉無所著道捨  
魔事在衆塵勞而得自在道歸上心離於聲  
聞緣覺之念道習諸去來所行致平等覺道  
御大寶順一切智道常分別無礙慧明道宣  
善行攝善親友道發坑塹消衆結著道棄塵  
勞越瞋諍地道歸安隱損衆悲惡道歸吉祥



趣泥洹業是為菩薩行佛道業三十二事善  
薩住此疾成無上正真之道逮最正覺

大寶積經卷第九


龍

崎嶇上丘宜反下丘于反俳說上蒲皆反堅鞅音硬愁憤古內反慌忽

上呼廣反觚有上柯也引也不賧許規反法誼音義宜也豐收

尺由反苾芻上之反朱髦莫毫反寶剎居例反啓受上苦反

音厭反寶誓力垂反苦結反刈色上牛正反作庚音翼即那田化



猪飼順良寄附



